

Transkription von Urkunde HBS 1450a

Ort, Datierung: Halberstadt, 1450-10-02

Signatur: Stadtarchiv Halberstadt, D 14 (N/1095)

Inhalt: Rat der Stadt Halberstadt: Rentenbrief

WE Borghermeister(e) Radmann(e) Jnni(n)ghesmeister(e) vnde Burmeistere , der Stad tho halberstad
Bekennen vnde betughen openbar Jn dusseme / breue , vnde don kunt allen den ene sehn horen oder
lesen dat we mit wolbedachtme moyde van der gnan(nten) vnser Stad wegghen , dem(e) vorsichtigen /
Manne Tilen truteboylen itzund borgher(e) tho disschersleue vnde sinen Eruen , oder deme de dussen
breiff mit sinem(e) guden willen Jnne hedde viff / gude wulwichtighe Rinsche guldenn(e) Jarliker
Renthe , ome oder den middebenomeden alle iar up Sunte Michahelis dagh , des hilgen Erczen=/ghels
tho betalende van vnsem(e) Radhuse vnghehindert vnde an(e) uptogh(e) vp eynen wedderkoep vor
hundert gude wulwichtighe rinsche gul=/denn(e) , der we van om(e) wol tho ghenoege betald vnde
vorder in vnser gnan(n)ten stad ghemeynen nüd vnde vromen wur des nod vnde behoiff / was ghekart
sin , vorkofft hebben , doch hebbe we vns de Macht beholden , dat we dussen Jarliken tinsz viff
guldenn(e) moghen wedder aff koepen / ok so mach tile oder sine Eruen , oder de hebbere dusses
breues mit sinem(en) guden willen , or gheld also hundert Rinsche guldenn(e) wedder Esschen /
welken vns/e)m des ghelustet welkes iares we , ode(r) he oder de middebenomd(e)n [ghelustet] Also
doch bescheyden , dat vns(e)n ey(n) , dem(e) anderen dat / ey(n) verndel Jares thovor(e)n vorkundeghe
vnde witlich do vnde denn na vorlopinge des vern(n)del Jares Tilen truteboilen vorgnand , oder dem(e)
Jenne(n) / de dat gheld van des wedderkopes moghen hebben schal , willen we de hundert guldenn(e)
in eyner Sumen wulbestendich bi(n)nen vnser gnan(n)ten Stad / betalen vnde weddergheuen vnde ok
de vorsetenn(e) tynse , efft dar welke weren Richtich maken an(e) alle gheuehrde vnde ane vorbedinghe
ghist=/likes offte wertlikes gherichtes , alle dusse vorgheschreuenn(e) stücke , vnde eyn iowelk
besunderen , louen we vorgnan(n)te Borghermeister(e) Rad=/mann(e) Jnin(n)ghesmeistere(n) vnde
Burmeister(en) Tilen trutheboylen odder sinen medebenomeden Stede vast vnde wol tho holdenn(e)
Jn guden truwe(n) / ane Jeni(n)gherley Jndracht behelpinge list oder gheuehrde dusses tho orkunde
vnde mehr wissenheit gheue we om(e) vnde sinen medebeno=/meden dussen breiff mit vnser
gnan(n)ten Stad groten anghelangheden Jngheseghele besegheld Nach c(risti) ghebord vnser leuen
heren veýrthey(n) / hundert iar , dar na Jndeme vefftighesten iare , an deme frydaghe na Sunte
Michahelis daghe , des hilghen Erczenghels et(cetera)